

平陽府志

卷二十

平陽府志卷之二十

宦績

左氏載子產相鄭事，聲施爛然，彪炳春秋矣。及觀《史記·列傳》，乃僅第之循吏。漢代吏治莫盛於孝宣之世，而《班固傳·循吏》，自景及宣才得六人。六人之中黃霸位至丞相，朱邑至大司農，皆顯秩也。而傳顧紀其爲守，若令時治行獨詳，蓋循吏若斯之難也。向使忠信之長、慈惠之師與庸碌同湮，後來者其奚勸與？考自三代以來嘗官斯土而德功卓卓可述者，著其姓氏與其爵里，系以事實，俾後之人有以觀焉。作宦績志。

歷代循良

周卻曄 缺之從子。晉景公時爲大夫，食邑襄陵與卻，至卻錡號爲三卻，俱有才辯。傳稱曄，爲使有禮，謀事有智，臨戎有文。縣。祀名宦。

羊舌肸 字叔向，晉之公族也。世爲大夫，事悼公、平公、昭公。食邑于楊，習于禮，而勇于義，以直聞于諸侯。雖不專任晉國，而晉之執政皆訪之，而後行晉國賴焉。楊即洪洞縣。祀名宦。

胡衍 秦伐蒲，蒲守恐，請衍爲蒲。衍謂郭里子曰：「攻蒲爲魏則善，爲秦則不可，請釋勿攻，以德魏君。」於是遂解去。

漢季 布 楚人。為河東守。文帝召為御史大夫，弗果。用布進陳其所以。帝曰：『河東吾股肱郡，故特召君耳。』

番系 九江人。為河東太守。武帝元朔五年遷為御史大夫。嘗言穿渠引汾溉皮氏、汾陰下，引河溉汾陰、蒲坂下，度可得五千頃。

田延年 字子賓。陽陵人。昭帝時為河東太守，選拔尹翁歸等誅鋤豪強，奸邪不敢發。入為大司農。

黃霸 字次公。陽夏人。少學律令，為河東均輸長，以廉察稱。

周堪 字少卿。與蕭望之受遺詔輔政。元帝即位，拜光祿大夫，領尚書事，數燕見言治亂事，石顯憚之，數于上前譖毀，遂左遷為河東太守。未幾因日食復召，堪復其位。

趙護 為河東都尉。成帝時廣漢盜起，拜為太守，擊平之。

蕭咸 字子仲。蘭陵人。太傅望之子。元帝時為河東太守，有政績，數增秩，賜金官至大司農。

甄尊 字少公。杜陵人。為河東太守二歲，成帝建始三年遷為京兆尹。

杜詩 河內人。光武時為河東太守，平逆賊楊異等有功。

焦贛 山陰人。河東太守。以楚王英連及卒于塗，妻子系獄，諸生故人皆改名避禍。弟子鄭弘詣闕訴冤，得釋送喪，及妻子還鄉里，弘由是亦顯名。

劉佑 字伯祖。安固人。桓帝時為河東太守，時屬邑令長多中官子弟，百姓患之，佑到郡，黜治權豪，伸平抑滯，政為三河最。累遷至尚書令。

趙岐 字邠卿。長陵人。桓帝時舉理劇為皮氏長，抑強討奸，大興學校，甚著能聲。會河東守劉佑去郡，而中常侍左悺兄勝代之，岐耻屬宦官，即日西歸，有《孟子注》行於世。祀名宦。

史弼 字公謙。考城人。靈帝時為河東太守，被詔書當舉孝廉，弼知多權貴請托，乃豫勅斥絕書。屬中常侍侯覽遣諸生齊書請之，并求假鹽稅，積日不得通，乃說以他事謁弼，而因達覽書。弼大怒曰：「太守忝荷重任，當選士報國，爾何人？而偽詐無狀。」命左右引出捶楚數百。府丞掾吏千餘人皆諫于廷，弼不對，遂付安邑獄，即日考殺，覽怒誣弼誹謗。檻車徵入，吏民詣闕訴之，後得免，歸田里，杜門不出。

陳寔 字仲弓。潁川許人。司空黃瓊辟選補聞喜長。恬靜不擾，百姓安之。祀名宦。

王邑 字文都。涇陽人。獻帝時為河東太守。帝為李傕、郭汜所急，御牛車幸安邑，邑以綿帛為獻，悉贖公卿以下，後封邑為列侯。

呂虔 字子洛。伍城人。有膽略，曹操在兗州以為從事。時襄陵校尉杜松部民吳母等作亂，命虔代松討之。虔誘其渠魁，殺之，撫其餘衆，賊悉平。

杜畿 字伯侯。杜陵人。為西平太守。曹操既定河北，高干舉并州反。時河東人衛固、范先外以請邑為名，內實與干通謀。曹操謂荀彧曰：「河東被山帶河，四鄰多變，當今天下之要

地也。君為我舉蕭何、寇恂以鎮之。」或曰：「杜畿其人也。」于是拜畿為河東太守。固與高干、張盛攻畿不下，略諸縣無所得。會大兵至，干、盛敗，固等伏誅，其餘黨皆赦之，使復其居業。是時郡縣皆殘破，畿崇寬惠，與民休息。有以詞訟來者，畿陳大義諭歸曰：「而諦思之，若意有所不盡，更來詣府。」卿邑父老自相責怒曰：「有君如此，奈何不從其教。」自是詞訟甚少。頒下屬縣舉孝子、貞婦、順孫，復其徭役隨時慰勉之。課民畜、特牛、草馬、下逮鷄、豚、犬、豕皆有章程。百姓勤農，家給人足。畿曰：「民富矣，不可不教也。」于是冬月修戎講武，又開學宮，親執經教授，郡中化之。郡有樂詳，少好學，畿署詳文學祭酒使教後進，河東學業大興。韓遂、馬超之亂，弘農、馮翊多舉縣邑以應之，河東接壤，民無異心。操征漢中遣五千人運，運者自勉曰：「人生有一死，不可負我府君。」無一人逃亡者。將軍劉勳，操所親貴，勢震朝遷，嘗往畿求大人彙，畿以書拒之。后勳誅，操得書歎曰：「杜畿可謂不媚于寵者也。」稱畿功，美以下州郡曰：「吾亦异衆人，仰高山景行也。」及操西征夾渭，為軍，軍食皆錄仰河東，及賊破，餘蓄二十餘萬斛。操下令曰：「河東太守杜畿，孔子所謂禹吾無間然矣。」增秩二千石。又令曰：「昔蕭何定關中，寇恂平河內，卿其有功，間將授卿以納言之職。念河東吾股肱郡，克實之所足以制天下，故且煩卿卧鎮之。」畿在河東一十六年，常為天下最，丕嗣王位，賜爵關內侯，徵為尚書。初畿在郡時，被書錄寡婦，是時他郡或有自相配嫁，依書皆錄奪，啼哭盈路，畿送寡婦甚少。趙儼代畿而所送為多。丕問

載：「前君送何少，今何多也。」載曰：「臣所錄皆亡者妻，今僣送者生人婦也。」丕及左右顧而失色。及僭祚進封豐樂亭侯，邑百戶。

賈逵 字梁道。魏絳邑長。郭援急攻河東，城將潰，絳父老與援約不害逵。援捕得逵，逵不肯拜，援怒促斬之，諸將覆護乃幽土窖中，使人固守，有憐其守正危厄，乃夜引出折械遣去。

晉王浚 字士治。弘農人。博涉墳典，恢廓有大志，嘗辟為河東從事，守令有不廉潔者皆望風解去，刺史徐邈以女妻之。後參鎮南軍事，以平吳功封襄陽侯。

摯虞 字仲治。京兆人。才學通博，著述不倦。武帝詔諸賢良方正直言會東堂，親策之，虞對切直，擢為太子舍人，除聞喜令。時天子留心政道，又吳寇新平天下久安。虞上太康頌，帝嘉之。以憂去。

李重 鐘武人。為平陽太守。崇德化，修學校，表篤行，拔賢能，清簡無欲，屬吏之與汚者咸彈黜之。任三年而卒，家貧無殯殮之地，詔典客署營喪，追贈散騎常侍。

李矩 本郡人。懷帝時領平陽太守。時饑疫，矩悉心撫恤，百姓賴焉。又與石勒、劉聰戰，設伏出奇，累立殊功，官至司州刺史，封平陽侯。

毛德祖 陽武人。有武干。劉裕平秦，為輔國將軍、河東太守。代劉遵守蒲坂及河北，覆敗，德祖全軍還晉。

路述 為河東太守。劉淵寇河東，述力拒，死之。

元魏張軌 河東郡守。在郡三年，政聲甚著，有古循良風。

游楚 馮翊人。為蒲坂令。性慷慨，以恩德為治，不好刑殺，遷漢興太守。

柳崇 解州人。舉秀才高第。歷官尚書郎中。孝文時既罷鹽池，禁富強專利，人多爭訟，帝遣崇檢斷，訟遂息。後為河東太守。郡人張明失馬，疑執十餘人，崇不問賊事，但問其親老存否，農業多寡，以察其辭色，果獲真賊，郡中畏服。

陸凱 代人。仕魏，為給事黃門侍郎，在樞要十餘年以忠厚見稱，出為正平太守，在郡七年號為良吏，卒謚惠。

徐英 馮翊人。為蒲坂令。剛爽不撓，嘗鞭小吏張既，既後責顯，欲與英和解，乃因醉狎之，英抗志不納，遂不進用。

西魏薛善 字仲良。汾陰人。魏孝武西遷，改河東為秦州，以善為別駕，族兄薛崇禮為刺史，守蒲坂，善言于崇禮曰：「高歡有逐君之罪，吾世荷國恩，今大軍已臨，而猶為高氏固守，一旦城陷，函首長安，署為逆賊，死有餘愧，盍及今歸欵。」崇禮猶豫，善與族人新聞納魏師，丞相泰進軍蒲坂，凡薛氏預開城，謀者賜五等爵，善固辭。至隋為本邑令，千用強明，一郡稱最，因兼督六縣事，後論廣屯田，督造軍器，賜爵龍門縣子，卒贈三司刺史，謚繆，祀名宦。

元淑 河東太守。俗多商賈，罕事農桑，淑下車勸課，致民家給人足，為之謠曰：「秦州河東，杆杻代春，元公至止，田疇始理。」

崔寬 為秦州刺史。先是河東年饑，劫盜大起，寬修龔遂之法，令行禁止，勸課農桑，周年之間盜寇止息。

柳帶韋 解人。深沉有度量。文帝辟為參軍，屢以計降賊。廢帝初加左光祿大夫，轉汾陰令。發奸摘伏，民多懷畏，任數年，處斷無滯，官曹清肅，以功進爵為公，謚愷，祀名宦。

韓杲 武川人。大統初為河東郡守。性剛毅激烈，然為政尚寬簡，吏民懷之。

郭賢 字道因。楊州人。博涉經史，有謀略，王思政重之，邊謀多與參決。世宗初除迎師中大夫，出為勛州刺史，鎮玉壁，以廉平稱，去後見思于人，卒謚日節。

裴文舉 字道裕。聞喜人。父遂任正平廉約自守，每行春省俗單車而已。文舉為絳州刺史，一遵父政，務以德化民，總管章孝寬特相欽重，每與談不覺膝前于席。

郭文恭 平遙人。太平令。竭力工營，寒暑不怠，祀名宦。

東魏封子繪 渤海蓆人。為平陽太守。晉州北界霍山，舊號千里徑者，山坂高峻，每大軍往來若之，子繪請別開一路，旬日而就。

劉豐 普樂人。為南汾州刺史。河陰之役，豐功居先，丞相高歡執其手嘉嘆之。

北周泉企 孝武時為東雍州刺史。高歡專政，孝武有西顧之心，欲委企以山南之事，乃除

洛州刺史、常州都督。未幾孝武西遷，歡率衆至潼關，企遣其子元禮督鄉里五千出大谷以御之。高歡不敢進，梁魏興與洛州接壤，表請內屬大行臺賀拔岳，以企昔治東雍為吏民所懷，乃表復為刺史，詔許之。

李遠為丞相府司馬。時河東初復，宇文泰曰：「河東，國之要鎮也，非卿無以撫之。」乃授河東郡守，遠至河東敦獎風俗，勸課農桑，禁革奸非，兼修守御之備，未期月百姓懷之，泰嘉焉，降書勞問，徵為侍中驃騎大將軍，開府儀同三司。

楊標字顯道。正平高梁人。仕魏，為邵州刺史。慷慨壯烈。爾朱榮殺害朝士，城陽王元徽逃難投標，藏而免之。以義俠聞，擢拜伏波將軍，後從孝武入關，以功封侯。文帝遣間行夷地，誘酋渠附之，邵郡兩叛皆賴定焉，威名大振。凡鄰境據險，自恃如司馬恭，侯景之徒皆不戰而自遁，其見憚于敵如此。

唐永初仕魏。大統初為東雍州刺史。性清廉，家無積蓄，妻子不免饑，世以此稱之。

柳遐周明帝累徵不就，後授霍州刺史。為治務以德化民，事親至孝，未嘗論人短，尤好施與，家無餘財。

隋楊處綱文帝族父，位將軍。性直質，在官強濟，為當時所稱，尋拜蒲州刺史，吏民悅之。

楊弘字辟惡。文帝從祖弟。有文武干略，由河間王拜蒲州刺史。時盜大發，民苦之，弘奏，

為首者百餘人投之，遼州境帖然。在官十餘年，風教太治。

趙芬 字士茂。天水人。少有辨智，頗涉經史。隋初拜尚書左僕射，與王誼修律令，兼

內史令，未幾以老病出為蒲州刺史，加金紫光祿大夫。

楊尚希 弘農人。文帝時拜蒲州刺史。在州甚有惠政，引漢水，立堤防，開稻田數千頃，人賴其利。

梁軌 字世慕。以內軍將軍為正平令，惠州民病澇，生物瘠瘵，因鑿山源，引水溉田，其利甚溥。

范軌 開皇間為臨汾令，開鼓堆泉十二渠以溉民田，民歌頌之，為立祠渠旁。臨汾即正平。

王隆 龍門人。文中子父。開皇時為昌樂、猗氏、銅川三邑令，有善政，祀名宦。

韋世康 杜陵人。文帝時絳州刺史。以雅望鎮之，境內肅清，在任數年，奏課屢為諸州最。

王君 芮城令。史失其名。文中子之兄。《中說》所謂芮城府君讀說苑：美哉兄志，予以進物是也。按說《郭古鏡記》，文中子兄王度，大業九年以御史出兼芮城令，用古鏡滅妖蛇。其年冬以御史帶芮城令，持節河北道，開倉糧賑給陝東。時天下大饑，百姓歷疫，賴此鏡存活甚衆，據此王君名度無疑。

辛仲龜 狄道人。彥之子。為猗氏令，以政績著，祀名宦。

堯君素 湯陰人。累遷鷹擊郎將。大業末從屈突通拒唐兵於河東，通引兵趨長安署，君素

領河東守。通敗降，達至城下招諭。君素以義責之曰：「公為大臣，負國生降，更為人作說客耶？」通慚而退。時國急音絕，乃為木鵲系書於頸，具論時勢，浮河而下，達於東都，因拜金紫光祿大夫密遣行人勞之，前後自東都來者俱達城下，為陳利害，唐又賜金券，待以不死，君素卒無降志。其妻亦來謂曰：「隋將亡，何故取禍？」君素叱而射殺之。左右知其志不可動，遂遇害。

唐任環 隋末為河東令。高祖起義兵，環至龍門請見，贊以平定之策。

長孫操 字元節。有學術。高祖辟署相國府金曹參軍，未幾檢校虞州刺史，從秦王征討，嘗與聞秘謀。永徽初以陝州刺史卒，贈吏部尚書，謚曰安。

李安遠 夏州人。補正平令。時唐王兵起攻絳州，安遠與通守陳叔達嬰城拒守，唐公子素與安遠善，及拔絳，撫慰其家，乃與同食，授右翊衛統軍，正平縣公。

唐臨 長安人。為萬泉縣丞。有輕囚久系，臨以方春告令，使暫出務農，如約而還，後官至吏部尚書，祀名宦。

楊大寶 武德初為龍門令。時劉武周攻之，力戰死為，贈金節侯，祀名宦。

宇文士及 字仁人。長安人。太宗時為蒲州刺史。政崇寬簡，士民宜之，累遷至鄆國公。

杜楚客 杜陵人。如晦弟。太宗時為蒲州刺史，政有能名，遷至工部尚書。

長孫恕 貞觀中為龍門令。鑿渠溉田，人賴其利，祀名宦。

蔣儼 義興人。有奇節。高宗時擢為蒲州刺史。前政以戶產克課訟，獄積不能平，儼至發隱禁點，奸吏不敢欺匿，人服其明，稱為良牧。

孔禎 高宗時為絳州刺史。政教兼舉，及卒而民有遺思。

崔翳 永徽間令曲沃引鼓堆泉，溉田百頃。

劉齊賢 高宗時為晉州司馬。時將軍史興宗從獵苑中，言晉州出佳鷄，可捕取。高宗曰：「齊賢豈捕鷄人邪？」累遷黃門侍郎。

柳繹 解人。宗元之從曾祖也。為夏縣令，宗元稱其政良，祀名宦。

鮮于紹 為絳州刺史。高宗儀鳳中為同州刺史，仍賜絹二百匹，賞清廉也。

徐弘敏 高宗時為蒲州司法參軍，以寬為政，不施杖罰，吏民感其恩，更相約曰：「有犯徐參軍者衆共斥之。」訖代不辱一人，職事亦修，從累遷司刑丞，所活甚衆。

韋安石 萬年人。永昌初遷并州司馬。政尚清廉，吏民皆敬畏之。武后嘗手制勞問，後以尚書右僕射遷蒲州刺史，弟抗後亦為蒲州刺史，俱有政績。

徐洪 字彥伯。兗州瑕丘人。七歲能文，對策高第。中宗時調蒲州司兵參軍。司戶韋暉善判，司工李豆善書，而彥伯善屬辭，時稱河東三絕。

張懷器 武城人。中宗初為翼城令。引翔高之泉，開滄陰之道，便汲者行者，又辟荒田五百餘頃，時稱政治清平。既去，民為立碑。

李元禮 宗室子。善騎射，始王鄭即授鄭州刺史，後徙王徐遷徐州都督，為絳州刺史，有治名，靈書勞勉，實封至千戶。

李朝隱 京兆人。以明法中第。中宗時調臨汾尉，累轉聞喜令，操履清正，政績著聞，入為侍御史，後代崔佑甫御史大夫，卒贈吏部尚書，謚曰貞，祀名宦。

蕭至忠 沂州人。中宗時為晉州刺史。以治才顯，默嘆遣使來朝見，至忠風采遠巡，畏俯謂人曰：「是宜相天子，何乃居外乎？」

王 鑾 為龍門令。有能名，李勉薦之，時稱知人，祀名宦。

李尚隱 萬年人。玄宗朝以兵部侍郎出為蒲州刺史。時有浮圖，懷照者造為妖言，馮侍微等助實之。尚隱劾其妖妄，詔流懷照播州，仕至戶部尚書。

楊仲昌 號州人。以河陽尉封策，明皇擢第一，授蒲州法曹參軍，累遷孝義令，鸞降庭樹太守，蕭恕表其政。

趙宗儒 開元中擢進士第，補太子正字，調雷澤丞，河東採訪，使章陟器之，表置其府。

嚴 浚 華陰人。為絳州刺史。威惠并行。吏民畏服。

李元紘 字大綱。萬年人。以清儉著稱，為蒲州刺史。開元中拜中書侍郎同平章事。

裴 寬 聞喜人。官吏部侍郎，出為蒲州刺史。時久旱，寬入境輒雨，徙河南尹。不屈權貴，終禮部尚書。

齊 幹

定州人。為蒲州司法參軍。有父子違坐論死者，幹議貸其父，太守不聽，幹固爭，

卒原之。天寶初為平陽太守，以清淨為治。

陸象先 本名景初。蘇州人。元方子為蒲州刺史，政尚仁恕，吏民有罪多晚輸違之。不施

垂楚，錄事白曰：「此例合與杖。」象先曰：「人情相去不遠，此豈不解，吾言若必須行杖，即當以汝為始。」錄事慚懼而退，常謂人曰：「天下本無事，只暗庸人自擾之耳，苟澄其源，則亦何不治？」故所至吏民懷之。

嚴挺之 天寶間為絳州刺史。明皇欲進用之。李林甫忌嫉之，因招挺之弟損之，佯與叙故舊云：「當以子為員外郎。」又云：「朝廷待賢兄極深，須作一計，入京既見，當有大用。」令損之取絳郡一狀云：「有少風氣，乞入京師就醫。」林甫持狀奏云：「挺之年高，近患風氣，且授一閑官。」天子嘆咤久之。林甫奏授員外詹事，便令東京養疾。

姜師度 魏州人。太宗時為河中尹。值安邑鹽池涸廢，師度大發卒洫引其流，置鹽屯，公私收利不費。是時太史令博孝忠以知星顯時，為語曰：「孝忠知仰天，師度知相地」云。

裴千鈞 字孝卿。聞喜人。天寶末為萬泉令。雅好賓客，尤喜忠良，聞人有奉親乏甘旨者分財贍之，有德政碑。

趙 復 為永樂尉。安祿山陷蒲京，使崔乾佑守河東，復與河東司戶韓文、司士徐晃、宗人李藏鋒俱陷賊中，相與密謀，俟王師至為內應。郭子儀引兵來攻，衆復等新守陴者，納

之，乾佑遁去。祀名宦。

李模 宗室子。肅宗時為猗氏令。史思明陷洛陽，劫掠諸縣，模率衆御之，累遷太子太保。

房琯 河南人。肅宗時以禮部尚書出為晉州刺史，悉心政事，為郡人所稱。

唐升 為河東縣令。大歷七年擢升階至朝散大夫，更留二年旌善政也。

韓恪 大歷間以議郎任翼城令，性廉直，人憚服之。

吉茂 字叔暢。舉茂才。除臨汾令，在官清靜，吏人不忍欺。

韋武 萬年人。德宗時為絳州刺史。鑿汾水灌民田三十餘頃，置書慰勉。

韋縱 德宗時知安邑，理鹽池事，卓有能聲。

李憲 晟次子。憲宗時為絳州刺史。設法轉運以給河中，絳民賴其利。時澤州、沁水妖

賊李有經聚衆三千餘人，來寇翼城縣，憲以州軍及神策鎮軍擊破，擒有經以獻。

李愬 憲之弟。憲宗時為晉州刺史，以治行稱。

樊宗師 河中人。憲宗時為絳州刺史。有政績，知名於時。

李栖筠 趙人。幼孤。有遠度，莊重寡言，舉進士，為河南令。時李光弼守河陽，高其才，

引為行軍司馬兼糧料，改絳州刺史，有德政頌。

張圓 字直之。偃師人。為河中府法曹參軍，攝虞鄉令，進攝河東令，俱有能名，遂署

河東從事，又攝絳州事，能聞于朝廷。元和四年卒于汴。韓愈為作墓碣銘。

李漢 少事韓愈。通古學，屬辭雄蔚，為人剛略類愈，愈愛重，以子妻之，擢進士第，以御史中丞吏部侍郎坐牛李黨，改絳州司馬，尋徙絳州刺史。

楊損 家與宰相路岩第接，岩欲易其廡，以廣第。損族仕者十餘人議曰：「家世盛衰系權者喜怒，不可拒。」損曰：「今尺寸土皆先人貲，非吾等所有，安可奉權臣邪？」窮達命也，卒不與。岩不悅，使損按獄黔中，逾年還，三遷絳州刺史。

狄惟謙 梁公之後。會昌中為絳隰刺史。有名稱。

王式 楊州人。宣宗時為晉州刺史。會西河大饑，民徙他郡，不納。式勞恤之，活數千人，以善最稱。

杜君幾 為河東太守。開置學宮，親執經教授，士皆奮發，自是河東多儒者，後封豐樂公。

劉迫 由進士仁吉州刺史。剛直，夙稱廉，能茂著，理民決訟，推誠布公，祀名宦。

李洞 以給舍郎行翼城主簿，一稟公正，人不敢于以私，令重其品。邑人咸敬慕之。

崔弘禮 博陵人。為忻汾州刺史。有治行，後人祠之。長慶初改絳州刺史。

姜晦 上邽人。暮之孫。起家蒲州參軍。政治有聲，人畏愛之，累遷吏部侍郎。

唐彥謙 字茂業。并州人。咸通末舉進士，為河中從事，歷晉、絳二州刺史，有詩集傳世。

後唐張仲溫 翼城令。才識饒敏，治行卓异。縣舊治翔高山下，溫徙建王逢寨曰：「據險以守，無如此者。」迨令數百餘年，尚仍其地。

漢侯仁矩 隰州刺史。至郡決滯獄，一日釋系囚百餘，獄為之空，民情悅服。 祀名宦。

周程光遠 世宗時以監察御史守翼城。賄賂不行，以風歷著聞。時鎮使王德、都虞侯張進鎮翼，常戒其下曰勿犯程公。其見嚴憚如此。 祀名宦。

李謙溥 孟縣人。攝隰州事。浚城隍嚴、兵備。并人至，謙溥登城徐步，并人不敢動，因夜縫敢處士百餘薄敵營，大破之。宋初復刺隰州，敵人不敢犯境。 祀名宦。

許遷 為隰州刺史。廣順元年十二月朝見，賜襲衣金帶銀鞍馬，獎守城之功也。

宋李士衡 咸紀人。知解州。居官廉潔，不求名譽。 祀名宦。

葛懷敏 知隰州。有守御功。

慈卿 字釋回。咸平間聞喜令。李垂修學記云：「田賦平而民足，川原肅而寇絕。」

趙尚寬 仁宗時知河中府。神勇。卒苦大校貪虐，刊匿名書告變。尚寬命焚之曰：「妄言耳。」衆乃安，已而奏黜大校，分士卒隸他管。

晁補之 字無咎。鉅野人。知河中府。修河橋以便民，民立祠祀之。弟詠之工於文，亦嘗為河中教授。

狄棐 知河中府。有中貴人過郡，言將援棐於上，棐答以他語，退謂所親曰：「吾湘潭一寒士，今官侍從，可以老而自汗邪。」

蒲壽晟 咸淳間知蒲州。性儉約，於民一毫無所取，建曾井，汲水二瓶置座右。人頌之曰：